



Meeqqat inuusuttullu 16-init 24-nut ukiullit annertuumik innarluutillit Kalaallit Nunaata avataani uninngagallartut ukiumut marloriarlutik Kalaallit Nunaannut tikeraarluni angalanermut pisinnaatitaaffeqassasut erseqqissaavigeqqullugu qulakkeerneaqqullugulu Naalackersuisut peqquneqarnissaannik Inatsisartut aalajangiiffigisassaattut siunnersuut. (Inatsisartunu ilaasortaq Agathe Fontain, Inuit Ataqtigiit)

Demokraatini siunnersuuteqartutulli aamma kissaatigaarput meeqqat inuusuttullu annertuumik innarluutillit pitsaanerpaanik sinaakkusiiffigineqassasut periarfissaqartinneqarlutillu.

Siunnersuummi uani kissaatigineqarpoq Namminersorlutik Oqartussat nalunaarutaanni nr. 23-mi 30. december 2013-meersumi § 56 erseqqissarneqassasoq. Siunertaavoq nalunaarummi oqaaseqatigiit allanngortinneqassasut, meeqqat inuusuttullu annertuumik innarluutillit Kalaallit Nunaata avataani uninngagallartut ukiumut marloriarlutik Kalaallit Nunaannut tikeraarluni angalanermut pisinnaatitaaffeqalersillugit, oqaaseqatigiit maannakkut atuuttut taarserlugit oqartut ukiumut marloriarluni angalanerit akuerineqarsinnaasut.

Siunnersuut aningaasatigut allaffissornikkullu pisortanut nanertuutaanaviannngitsoq isumaqartoqarpoq aamma Naalackersuisut ilanngullug oqaatigaat nalunaarutissamut siunnersuut siunnersuutip siunertaanik erseqqissaanertaqartussaq tusarniaassutigineqalereersimasoq.

Naggataatigut Naalackersuisut naliliinerat tusarusupparput § 56 imatut allanngortinneqaraluarpat: *”Meeqqat inuusuttullu annertuumik innarluutillit 16-it 24-llu akornanni ukiullit illoqarfigisaminiunngitsoq najugaqarallartut ukiumut marloriarlutik illoqarfimminut uterlugulu angalasinnaatitaapput”* pisortani aningaasaqarnikkut allaffissornikkullu kingunerisassaasat landskarsimut qanoq kinguneqartitsisinnaanersoq. Apeqqut manna ataatsimiititaliaami sammineqarsinnaavoq.

Taamaattumik siunnersuut ilalerparput innersuulluglu Inatsisartut Ilaqutariissutsimut Peqqinnissamulu Ataatsimiititaliaani suliareqqinneqassasoq.